

Hierdie dokument is 'n vertaalde weergawe van die bostaande Engelse dokument wat op  
4 Junie 2021 deur Senaat goedgekeur is.  
*Page up for the English version of this document.*

## FAKULTEIT GENEESKUNDE EN GESONDHEIDSWETENSKAPPE

### RIGLYNE VIR DIE KEURING VAN B IN SPRAAK-TAAL- EN GEHOORTERAPIE- STUDENTE (2021 vir 2022-inname)

#### A. ALGEMENE INLIGTING

1. Vir toelating tot die vierjarige B in Spraak-Taal- en Gehoorterapie-gradprogram moet 'n aansoeker in besit wees van die Nasionale Senior Sertifikaat (NSS), soos gesertifiseer deur Umalusi, of 'n gelykwaardige kwalifikasie, met 'n gemiddeld van 60% (vlak 5) (Lewensoriëntering uitgesluit); en met minstens 60% (vlak 5) in twee van die volgende drie tale: Engels (Huistaal of Eerste Addisionele Taal) en/of Afrikaans (Huistaal of Eerste Addisionele Taal) en/of 'n derde SA taal; en met minstens 50% (vlak 4) in Fisiese Wetenskappe of Lewenswetenskappe.
2. Aansoekers wat 'n internasionale kurrikulum voltooi, kan onderhewig wees aan addisionele vereistes. Gedetailleerde inligting oor Matrikulasievystelling is op die [www.sun.ac.za/international](http://www.sun.ac.za/international) webwerf beskikbaar.  
  
*Op grond van die hoogstaande meriete van die meeste aansoekers, is voldoening aan die minimum toelatingsvereistes geensins 'n waarborg van suksesvolle keuring nie.*
3. Aangesien ongeveer 25-30% van die gekeurde aansoekers nie die keuringsaanbod aanvaar nie, word daar aanvanklik meer aansoekers gekeur ten einde uiteindelik die mikpunt van ongeveer **30 studente** in totaal te bereik.
4. Gedurende die keuringsproses word gepoog om te verseker dat die geslagsprofiel van die groep gekeurde kandidate 'n weerspieëling is van die geslagsprofiel van aansoekers wat aan die minimum toelatingsvereistes voldoen.
5. Hoogstens **een** plek word gereserveer vir aansoekers wat aan die minimum toelatingsvereistes voldoen en wat op versoek van die Rektor toegelaat word op grond van buitengewone oorwegings (soos deur die Rektor self bepaal).
6. Die getal studente wat tot die program toegelaat word, word jaarliks hersien op grond van:
  - Opleidingskapasiteit t.o.v. menslike hulpbronne, infrastruktuur en die kliniese opleidingsplatform
  - Streeks- en landsbehoefte
  - Inskrywingsbeplanning van die Universiteit

7. Aansoekers wat B in Spraak-Taal- en Gehoortherapie as 'n keuse op hul aansoek aangedui het sal oorweeg word, sal oorweeg word.
8. Voorkeur sal aan Suid-Afrikaanse burgers, aansoekers met bewys van permanente verblyfstatus of aansoekers met bewys van vlugtelingstatus gegee word wanneer aansoekers vir keuring oorweeg word.
9. Kandidate kan nie hul keuring uitstel van een jaar na 'n volgende nie. Indien 'n aansoeker dus suksesvol is en nie die keuringsaanbod aanvaar nie, moet sodanige aansoeker normaalweg weer in die toekoms van vooraf aansoek doen om oorweeg te word vir keuring.

## **B. RIGLYNE VIR DIE KEURING VAN SPRAAK-TAAL- EN GEHOORTERAPIE STUDENTE**

Aansoekers word slegs oorweeg in een van die drie verskillende kategorieë, soos hieronder uiteengesit.

- B1. Huidige leerders (graad 12) en gematrikuleerdes (bl. 12 – 15);
- B2. Ingeskrewe studente (bl. 15 – 17);
- B3. Aansoekers met naskoolse kwalifikasies en/of beroepservaring (bl. 17).

### **1. HUIDIGE LEERDERS (GRAAD 12) EN GEMATRIKULEERDES**

- 1.1 Keuring van hierdie groep vind plaas tydens die eerste keuringsgeleentheid gedurende die tweede semester van die voorafgaande jaar.
- 1.2 Aansoekers wat langer as drie jaar gelede gematrikuleer het, kan nie binne hierdie kategorie oorweeg word nie en word aangeraai om hulself voor te berei vir oorweging in kategorie B2 of B3. Let egter daarop dat keuring in hierdie kategorie steeds nie gewaarborg kan word nie.
- 1.3 Aansoekers binne hierdie kategorie (**+ 22 plekke**) word gekeur op grond van 'n keuringsfaktor (SF) wat bestaan uit akademiese meriete (akademiese prestasie op skool) en nie-akademiese meriete (Situasionele Beoordelingstoetse).
  - 1.3.1 Akademiese prestasie op skool dra **80%** tot die keuringsfaktor.
    - 1.3.1.1 In die geval van graad 12-leerders word die gemiddelde akademiese persentasie wat in die finale graad 11-jaareindassessering behaal is, gebruik (uitgesluit Lewensoriëntering).
      - 1.3.1.1.1 Indien die impak van COVID-19 jou graad 11-assesserings beïnvloed het, kan jy jou halfjaar-eksamenuitslae van graad 12 in die gedeelte vir graad 11-uitslae, aandui.
      - 1.3.1.1.2 Jou skool sal moet bevestig dat leer en onderrig nie moontlik was nie en dat die graad 11-assessering nie plaasgevind het nie. Laai asseblief die bevestiging van jou skool en jou resultate op wanneer jy jou aansoek in dien.

- 1.3.1.2 In die geval van aansoekers wat hulle skoolopleiding voltooi het, word die gemiddelde akademiese persentasie behaal in die Nasionale Senior Sertifikaat- of gelykwaardige eksamen gebruik (uitgesluit Lewensoriëntering).
- 1.3.2 **Die Situasionele Beoordelingstoets (SBT)**, dra **20%** tot die keuringsfaktor by.
- 1.3.2.1 Keuring in die gesondheidsberoep moet gebaseer wees op beide akademiese vermoëns en nie-kognitiewe eienskappe. SBT's is toetse wat gebruik word om individue se reaksies op 'n aantal hipotetiese rolrelevante scenario's te beoordeel, wat situasies weerspieël wat hulle waarskynlik sal teëkom in hul teikenrol as gesondheidsberoepstudente. (Verwysing **DOI: 10.3109 / 0142159X.2015.1072619**)
- 1.3.2.2 Die **Situasionele Beoordelingstoets (SBT)** is 'n aanlyn assessering wat studente voor 15 Augustus moet aflê. Inligting word ingesamel deur middel van 'n gestruktureerde aanlynassessering.
- 1.4 Alle aansoekers word dan ingedeel volgens hul keuringsfaktor, wat die basis vorm vir die keuring van hierdie studente.
- 1.5 **Die Nasionale Normtoets (NNT)** word slegs gebruik om die toelating van aansoekers van die School of Tomorrow te bepaal. Die gemiddelde persentasie wat in die toetse behaal word, word gebruik.
- 1.6 **Die keuringsproses geskied as volg:**
- 1.6.1 Die **10** topaansoekers met SA burgerskap, permanente verblyfstatus of vlugtelingsstatus word in prioriteitsvolgorde volgens die **Keuringsfaktor (SF)** gekeur, ongeag van land van oorsprong, ras of enige ander oorwegings.
- 1.6.2 Daarna word swart Afrikaan-, bruin, Indiër- en Asiatiese aansoekers uit al die provinsies gekeur volgens prioriteitsvolgorde volgens die Selection Factor mits hul voldoen aan die minimum toelatingsvereistes, totdat 30 plekke gevul is.
- 1.6.3 Afhangend van die samestelling van die gekeurde poel aansoekers, kan die keuringspaneel addisioneel nog twee aansoekers keur uit die groep aansoekers soos uiteengesit in 1.6.2. waarvan die huistaal of eerste- of tweede addisionele taal 'n amptelike Suid-Afrikaanse taal is (behalwe Engels en Afrikaans), sowel as manlike aansoekers.
- 1.6.4 Ongeveer 10% van die klas word gevul op grond van die Keuringsfaktor deur aansoekers met 'n sosio-ekonomiese status (SES)-faktor van 6 of hoër.
- 1.6.4.1 Sosio-ekonomiese benadeling word gemeet deur 'n SES-faktor te bereken wat die volgende indikatore in ag neem: onderwysbenadeling (gebaseer op skoolkwintiele en skoolfonds), ekonomiese benadeling (gebaseer op maatskaplike of ongeskiktheidstoelae) en benadeling van eerstegenerasiestatus (gebaseer op die opvoedkundige vlak van die ouers). Die SES-faktor wissel van 10 (mees benadeel) tot 0 (minste benadeel). Die afsnypunt van die SES-faktor kan wel aangepas word in ooreenstemming met die aansoekpoel.

- 1.6.5 Sou twee of meer aansoekers met dieselfde keuringsfaktor vir een plek meeding, sal die aansoeker/s met 'n hoër SES-faktor voorkeur geniet vir keuring.
- 1.6.6 As dit na die oorweging van die SES-faktor nog nie moontlik is om tussen twee of meer aansoekers te onderskei nie, kan sodanige aansoekers 'n motiveringsbrief indien en sal hulle na onderhoudvoering deur 'n keuringspaneel gekeur word of nie.
- 1.6.7 Indien die program nie op bogenoemde wyse (soos beskryf in 1.6.1 tot 1.6.5) gevul word nie, sal aansoekers wat nog nie gekeur is nie volgens meriete en met inagneming van die geslagsprofiel oorweeg word totdat alle plekke gevul is.
- 1.6.8 Aansoekers wat voorwaardelik vir meer as een program gekeur word, moet formeel hul aanvaarding van een aanbod bevestig.
- 1.6.9 Wanneer al die beskikbare plekke gevul is, word ongeveer 30 van die oorblywende aansoekers wat voldoen aan die minimum toelatingsvereistes en enige ander vereiste(s) wat in die Keuringsriglyne uiteengesit word, op 'n waglys geplaas volgens die Keuringsfaktor, en die demografiese, SES- en geslagsprofiel van die voorwaardelik gekeurde eerstejaarinname.
- 1.6.10 Kansellاسies word in die aansoekjaar vanaf die waglys vervang in 'n verdere voorwaardelike keuringsronde(s) van die waglys vervang, gebaseer op die ranglys van die keuringsfaktor, terwyl die demografiese, SES- en geslagsprofiel van die voorwaardelik gekeurde eerstejaarsinname behou word, mits daar plekke beskikbaar is in die program.
- 1.6.11. In Januarie van die daaropvolgende jaar, of sodra die finale punte vir die Nasionale Senior Sertifikaat- of gelykwaardige eksamen beskikbaar is, word die finale graad 12-gemiddelde (uitgesonderd Lewensoriëntering) gebruik om 'n nuwe keuringsfaktor te bepaal.
- 1.6.12. Finale aanbiedings word aan voorwaardelik gekeurde aansoekers gemaak, gebaseer op die nuwe keuringsfaktor wat berekn word op grond van die finale punte vir die Nasionale Senior Sertifikaat- of gelykwaardige eksamen en enige ander vereiste(s) wat in die Keuringsriglyne uiteengesit word.
- 1.6.12.1. In hierdie verband sal alle voorwaardelik gekeurde aansoekers wat hul voorwaardelike keuringsaanbod aanvaar het, 'n finale keuringsaanbod vir die program ontvang as hulle aan die minimum toelatingsvereistes van die program en enige ander vereiste(s) wat in die Keuringsriglyne uiteengesit word, voldoen. Daar sal van sulke aansoekers verwag word om die finale keuringsaanbod te aanvaar.
- 1.6.12.2. Die keuringsaanbiede van aansoekers wat nie hul finale keuringsaanbod aanvaar nie (teen die vasgestelde datum wat in die finale aanbodbrief meegedeel word), sal verval.
- 1.6.13. Aansoekers wat aansoek gedoen het met hul finale punte vir die Nasionale Senior Sertifikaat- of gelykwaardige eksamen en wat 'n voorwaardelike keuringsaanbod ontvang het, sal gedurende die aansoekjaar 'n finale keuringsaanbod vir die program ontvang. Daar sal van sulke aansoekers verwag word om die finale keuringsaanbod te aanvaar.

- 1.6.14. 'n Nuwe waglys, bestaande uit alle nie-gekeurde aansoekers, sal opgestel word na die bekendmaking van die finale punte vir die Nasionale Senior Sertifikaat- of gelykwaardige eksamen. Die nuwe waglys word volgens die nuwe keuringsfaktor gerangskik.
- 1.6.14.1. Slegs aansoekers wat in die aansoekjaar 'n volledige aansoek by die program ingedien het, en voldoen aan die minimum toelatingsvereistes van die program en enige ander vereiste(s) wat in die Keuringsriglyne uiteengesit word, kom in aanmerking vir die nuwe waglys en vir heroorweging.
- 1.6.15. Beskikbare plekke in die program word gevul vanaf die nuwe waglys, gebaseer op die rangorde van die keuringsfaktor, terwyl die demografiese, SES- en geslagsprofiel van die eerstejaarinname behou word, mits daar plekke in die program beskikbaar is.
- 1.6.16. Die keuringsproses vir die 2022-inname sal twee weke na die aanvang van die akademiese jaar en/of wanneer alle programplekke gevul is afgehandel wor. Alle aansoekers wat nie gekeur is nie, word dan as onsuksesvol vir die 2022-jaar beskou.

## 2. INGESKREWE UNIVERSITEITSTUDENTE

- 2.1 Ongeveer **15%** van die plekke word gevul vanuit hierdie groep **EN** die kategorie aansoekers met naskoolse kwalifikasies en/of beroepservaring (sien B.3 hieronder).
- 2.2 Plekke word gereserveer vir **ingeskrewe universiteitstudente** wat toepaslike studierigtings (verkieslik natuur- of sosiale wetenskappe-verwant) volg **met voorkeur aan aansoekers met SA burgerskap of permanente verblyfstatus of vlugtelingstatus**.
- 2.3 Die volgende groeperings van ingeskrewe studente word gesamentlik in hierdie kategorie oorweeg:
- Voorgraadse Baccalaureus studente (in 'n 3-of 4-jarige Baccalaureus graad) (sien uitsondering by 2.4 en 2.5)
  - Honneursstudente
  - Finalejaar Magisterstudente
  - Doktorale studente wat hul doktorale studie voltooi gedurende die jaar waarin hulle aansoek doen
- Daar is geen voorafbepaalde getal vir enige van bogenoemde groeperings nie.
- 2.4 Ingeskrewe studente wat 'n ander program in die Gesondheidswetenskappe by die US volg, sal nie vir keuring oorweeg word nie.
- 2.5 Ingeskrewe studente wat 'n ander program in die Gesondheidswetenskappe by 'n ander universiteit volg, sal nie vir keuring oorweeg word nie.
- 2.6 **Aansoeke van geregistreerde studente** van ander instansies sluit op 31 Julie. Die onus berus op die aansoeker om te verseker dat die akademiese uitslae van die aansoeker die Keuringskantoor nie later as 1 Desember bereik nie.

- 2.7 **Ingeskrewe US-studente** se aansoek sluit op 30 September en word vroeg in Desember, nadat die finale uitslae beskikbaar is, oorweeg. **Studente wat nie van die eerste eksamengeleentheid gebruik maak nie, sal nie oorweeg word nie.**
- 2.8 Studente wat aansoek doen vir oorplasing van 'n Spraak-Taal- en Gehoorterapie-program aan 'n ander universiteit na die B in Spraak-Taal- en Gehoorterapie aan die US, sal deur die Programkomitee oorweeg word. Sodanige oorplasing sal egter slegs by hoë uitsondering op grond van buitengewone oorwegings toegestaan kan word.
- 2.9 **Die keuringsproses sal soos volg plaasvind:**  
Hierdie groep word gekeur op grond van akademiese prestasie en die demografiese profiel van die eerstejaarsinname, asook enkele ander oorwegings (sien 2.10):

#### Akademiese meriete

Die gemiddelde akademiese prestasie van ingeskrewe studente word deur die totale geweegde gemiddelde prestasie oor al die studiejare bereken.

- 2.10 Vir hierdie kategorie aansoekers sal die volgende **bykomende riglyne** ook geld:
- 2.10.1 Aansoek van huidige studente wat hul graad in die betrokke jaar voltooi, of ander studente wat al hul vakke oor die voorgeskrewe aantal studiejare slaag, sal oorweeg word.
- 2.10.2 In die geval van voorgraadse studente wat die graad in die betrokke jaar voltooi, sal voorkeur verleen word aan studente wat die graad in die voorgeskrewe tyd voltooi, geen sak-opmerking op die rekord verskyn nie, en met 'n geweegde gemiddelde persentasie van minstens 60% oor die duur van die program. In die geval van ander studente sal voorkeur verleen word aan studente wat alle vakke slaag met 'n geweegde gemiddelde van minstens 60% oor die voorgeskrewe aantal studiejare.
- 2.10.3 In die geval van nagraadse ingeskrewe studente word voorgraadse prestasie ook in ag geneem. Voorkeur sal gegee word aan studente wat vorige grade met 'n gemiddeld van minstens 60% geslaag het, wat minstens 60% verwerf vir die nagraadse kwalifikasie waarvoor hulle by aansoek geregistreer is en wat 'n **motiveringsbrief** by hul aansoek insluit.
- 2.11 Voorgraadse studente word in prioriteitsvolgorde op grond van voorafgaande oorwegings (2.10.1-2.10.2) gerangskik en dit dien as vertrekpunt vir die keuringsproses. Spesiale oorweging mag aan swart Afrikaan-, bruin, Indiër- en Asiatiese studente gegee word wat aan die vereistes soos beskryf in 2.10.1-2.10.2 voldoen.
- 2.12 Naskoolse aansoekers in hierdie kategorie word in prioriteitsvolgorde op grond van die voorafgaande oorwegings in 2.10.3 gerangskik, waarna 'n kortlys van verdienstelike aansoekers saamgestel word. Aansoekers op die kortlys sal na persoonlike onderhoudvoering finaal gekeur word. Uitnodiging na 'n onderhoud dien geensins as waarborg dat 'n aansoeker wel gekeur sal word nie.

- 2.13 Wanneer alle beskikbare plekke gevul word, omingskrewre voorgraadse studente aansoekers wat kwalifiseer op die waglys geplaas in volgorde van akademiese meriete. Kansellaries word in meriete-volgorde vanaf die waglys gevul, mits daar plekke beskikbaar is in die program.
- 2.14 Studente wat gekeur word vir B in Spraak-Taal- en Gehoorterapie I sou vrygestel kon word van ooreenstemmende modules wat hul geslaag het, volgens die Fakulteit se Erkenning van Vorige Leer (EVL) en Kredietakkumulاسie en Oordrag (KAO) Riglyne geslaah het, maar sal al die oorblywende modules vir Spraak-Taal- en Gehoorterapie I moet slaag, ten einde na Spraak-Taal- en Gehoorterapie II in die daaropvolgende jaar te kan promoveer.

### **3. AANSOEKERS MET NASKOOLSE KWALIFIKASIES EN/OF BEROEPSERVARING**

- 3.1 Ongeveer **15%** van die plekke word gevul vanuit hierdie groep **EN** die kategorie vir huidige geregistreerde universiteitstudente (sien B.2 hierbo).
- 3.2 Keuring van hierdie groep aansoekers vind tydens die eerste keuringsgeleentheid gedurende die tweede semester van die voorafgaande jaar plaas.
- 3.3 Hierdie plekke sal gereserveer word vir persone met naskoolse kwalifikasies en/of beroepservaring, en wat nie by aansoek vir enige verdere kwalifikasies ingeskryf is nie, met voorkeur aan aansoekers met SA burgerskap, permanente verblyfstatus of vlugtelingstatus. Kandidate wat by aansoek geregistreer is vir enkele losstaande modules op tersiêre vlak vir nie-graaddoeleindes, sal ook in hierdie kategorie oorweeg word.
- 3.4 Voorkeur sal gegee word aan aansoekers wat reeds voorheen 'n tersiêre kwalifikasie (NKR-vlak 7 en hoër) in die normale tyd en met 'n geweegde gemiddelde van 60% of hoër geslaag het en 'n **motiveringsbrief** by hul aansoek insluit.
- 3.5 Hierdie aansoekers word oorweeg op grond van akademiese meriete en die demografiese profiel van die eerstejaarsinname sowel as enkele ander oorwegings (sien 3.4 hierbo). 'n Kortlys van verdienstelike aansoekers word na oorweging van alle aansoeke in hierdie kategorie saamgestel.
- 3.6 Aansoekers op die kortlys sal na persoonlike onderhoudvoering finaal gekeur word.
- 3.7 Uitnodiging na 'n onderhoud dien geensins as waarborg dat 'n aansoeker wel gekeur sal word nie.

### **C. KEURING VAN SWART AFRIKAAN-, BRUIN, INDIËR- EN ASIATIESE AANSOEKERS**

Die Fakulteit Geneeskunde en Gesondheidswetenskappe bepaal jaarliks in onderlinge oorleg met die Viserektor (Leer en Onderrig), inskrywingsteikens wat onder andere belyn is met, onder andere, die Nasionale Departement van Hoër Onderwys en Opleiding se riglyne vir die transformasie van die hoër onderwyssektor en die US se institusionele inskrywingsbeplanning wat daaruit voortspruit, sowel as die Universiteit se verbintenis tot inklusiwiteit en diversiteit.

## D. AANSOEKERS WAT NIE SUID-AFRIKAANSE BURGERS IS NIE, OF NIE 'N PERMANENTE VERBLYFFPERMIT OF VLUGTELINGSTATUS VIR SUID-AFRIKA HET NIE

1. Sodanige aansoekers sal op meriete oorweeg word.
2. Aansoekers met amptelike vlugtelingstatus moet volgens wetgewing oorweeg word. Slegs SA burgers kwalifiseer egter vir institusionele beurse en lenings, en vir NSFAS-befondsing. Aansoekers met vlugtelingstatus moet dus hul finansiële posisie in ag neem wanneer 'n plek in die B in Spraak-Taal- en Gehoorterapie program aanvaar word.

## E. DIE AFLÊ VAN DIE NASIONALE NORMTOETSE (NNT) (“NATIONAL BENCHMARK TESTS”) (NBT)\*

1. Die NBT's vorm nie deel van die keuring vir kategorie B1-aansoekers nie.
2. Die uitsondering is vir aansoekers van die School of Tomorrow (SOT) wat benewens die voldoening aan die minimum toelatingsvereistes, ook aan die onderstaande NNT-vereistes vir toelating moet voldoen (ten einde universiteitsvrystelling van die Suid-Afrikaanse Matrikulasieraad te verwerf):

NNT	AL Akademiese Geletterdheid	QL Kwantitatiewe Geletterdheid	MAT Wiskunde
NNT minimum vereiste: SOT	65%	66%	34%

3. Die toetse sal landswyd by verskeie sentra afgeneem word.
4. SOT aansoekers in kategorie B1 moet die NNT voor die einde van 2021 aflê en moet betyds (minstens 3 weke voor die toetsdatum) by [www.nbt.ac.za](http://www.nbt.ac.za) vir die toetse registreer ten einde 'n plek in die betrokke toetsentrum te verseker.
4. Ingeskrewe US-studente (B2) en aansoekers met naskoolse kwalifikasies en/of beroepservaring (B3) word vrygestel van hierdie vereiste.  
\*Let wel: Studente wat vir die B in Spraak-Taal- en Gehoorterapie aansoek doen, hoef nie die Wiskunde-komponent van die NNT te skryf nie.

## F. PROSEDURES WAT GEVOLG WORD M.B.T. DIE KEURINGSPROSES

### 1. AANSOEKVORMS

- 1.1 Aansoekers kan aanlyn aansoek doen by [www.maties.com](http://www.maties.com)



1.2 Die sluitingsdatum vir die indiening van alle aansoeke is **31 Julie** van die jaar wat registrasie voorafgaan.

1.3 Geregistreeerde US-studente wat in kategorie B2 aansoek doen, moet voor **30 September** aansoek doen. Kontak [tygselections@sun.ac.za](mailto:tygselections@sun.ac.za) vir 'n aansoekvorm.

## **2. VERWERKING VAN AANSOEKE**

2.1 'n Volledige databasis van elke aansoeker word saamgestel uit die inligting wat deur die aansoeker op die aanlyn-aansoekvorm ingevoer is. Die punte van huidige leerders en gematrikuleerdes (B1) word terselfdertyd rekenaarmatig verwerk.

2.2 Die skoolresultate word elektronies vasgelê en verwerk om die akademiese meriete te bepaal wat gebruik word om 'n aansoeker se posisie op die merietelys te bepaal.

2.3 Die akademiese rekords van ingeskrewe studente (B2) sowel as dié van gegradueerdes (B3), word per hand verwerk en 'n gemiddelde persentasie word bereken. Hierdie studente word dan op grond van akademiese prestasie oorweeg, alhoewel ander faktore wel in die geval van nagraadse studente en gegradueerdes in berekening gebring mag word (sien afdelings B2 en B3 hierbo).

2.4 Daar word van aanzoekers verwag om 'n onderneming te voorsien dat alle inligting wat verskaf is akkuraat is. Indien daar bevind word dat gekeurde aanzoekers vals inligting verskaf het of inligting weerhou het, of opsetlik of deur nalatigheid kan hulle hul keuring verbeur.

## **3. KEURINGSGELEENTHEDE**

3.1 Die eerste keuring vind in die tweede semester van die voorafgaande jaar plaas. By hierdie geleentheid word huidige leerders en gematrikuleerdes (B1) en aanzoekers met naskoolse kwalifikasies en/of beroepservaring (B3) oorweeg. Die keuring van laasgenoemde aanzoekers (wat op 'n kortlys geplaas is) word eers finaal na onderhoudvoering met lede van die Keurkomitee afgehandel (sien B2.12).

3.2 Die aansoeke van ingeskrewe studente (B2) word eers in Desember oorweeg nadat hulle finale universiteitsuitslae beskikbaar is.

3.3 SciMathus studente word in Januarie in dieselfde kategorie as huidige leerders en gematrikuleerdes (B1) oorweeg (op grond van hul nuwe akademiese meriete).

3.4 Verdere keuring van ongekeurde aanzoekers vind voortdurend plaas, gebaseer op akademiese meriete (B1) of indien hulle op 'n waglys (B2 en B3) geplaas is afhangende van kansellasies wat van die verskillende subkategorieë ontvang is en beskikbare plekke in die program.

3.5 Keuring word finaal afgehandel binne twee weke na aanvang van die eerste semester klasse vir Spraak-Taal- en Gehoorterapie I.

#### **4. UITSTUUR VAN KEURINGSBRIEWE**

- 4.1 Na afloop van die keuringsvergaderings word aansoekers elektronies van die keuringsuitslag in kennis gestel.
- 4.2 Die gekeurde aansoekers moet binne twee weke vanaf die uitreiking van die keuringsbriewe terugantwoord of hulle die aanbod aanvaar, al dan nie.
- 4.3 Die plekke van aansoekers wat nie op die aanbod reageer nie, en wat nie administratief opgespoor kan word nie, word gekanselleer.

#### **5. AANSOEKERS WAT NIE MEER AAN DIE TOELATINGSVEREISTES VOLDOEN NADAT DIE FINALE NASIONALE SENIOR SERTIFIKAATUITSLAE BESKIKBAAR IS NIE**

- 5.1 Aansoekers wat gedurende die eerste keuringsronde voorwaardelik gekeur is, maar wat met na hul finale matriekuitslae nie meer voldoen aan die minimum toelatingsvereistes nie, se keuringsaanbod sal verval.

#### **G. KEURKOMITEE**

Keuring van voornemende studente word gedoen deur 'n keuringspaneel, saamgestel deur die Strategiese Komitee oor Werwing, Keuring en Toelating en met die Dekaan van die Fakulteit as voorsitter. Alle besluite ten opsigte van keuring word deur die Dekaan goedgekeur voordat dit aan aansoekers gekommunikeer word en besluite is finaal. Alle navrae rakende die keuringsproses moet aan die Keuringskantoor in die Sentrum vir Studente-administrasie (Tygerbergkampus) gerig word.

4 Junie 2021.